



UNIVERSITÄTS-  
BIBLIOTHEK  
PADERBORN

**Paraphrasis Psalmorvm Davidis Poetica**

**Buchanan, George**

**Argentorati, M. D. LXVIII.**

**VD16 B 3125**

Psal. XXV. Ad te Domine leuaui animam, &c. Carm. gen. 14.

---

[urn:nbn:de:hbz:466:1-69145](#)

Portæ perennes sempiternæ regiæ:  
 Clastra reuellite, limina pādite, magnus ut in  
 Rex ille, multa clarus ille gloria. (tret  
 Quis nouus hic sanctis succedit sedib⁹ hospes?  
 Quis iste multa est inclitus rex gloria?  
 Ille potens armis numero loq; agmine duxtor,  
 Hic ille multa est inclitus rex gloria.

PSAL. XXV. Ad te Domine leuaui ani-  
 mam, &c. Carm. gen. 14.

**H**ic fidat armis, plebe se clientium  
 Defendat alter, militumq; copijs:  
 At te creator orbis uno spes mea  
 Pendet, malisq; in rebus unum respicit.  
 Tu sancte genitor effice insolentibus  
 Ne spes inanes risui sint hostibus.  
 Sic me pudore liberabis: nec rubor  
 Confundet ora ceteris, in te suæ  
 Qui collocârunt anchoram fiduciæ.  
 Frustretur illos spes, & irritæ spei  
 Pudor dolorq; torqueat, qui sordium  
 Amore fese sordibus contaminant,  
 Bonosq; nulla prouocati iniuria  
 Vexare gaudent. Mihī per anfractus uagos  
 Vitæ, salebras inter & tenebras iter  
 Ostende rectum, & erutum sequacibus  
 Erroris undis, præuio lucis tuæ  
 Splendore deduc ueritatis in uiam.  
 Te nempe ab uno pendo spe, te Deum  
 Vnum & salutis columen agnoscō mee.

C v

Si torta uitijs forte morum regula  
Deflexit, error si fefellit lubricus,  
Fracta illecebris si uoluptatis malis  
Incauta uitijs se iuuenta polluit,  
Benignitatis tu tuæ memor tamen,  
Et lenitatis, (qui parentes mollibus  
Frænans habenis, usq; ab incunabulis  
Orbis paterna es usus indulgentia)  
Misericordia nostris quod negares moribus,  
Tuæ negare non potes clementiæ.  
Nec denegabis, nec precantes bona bonus  
Vacuos repelles: nec uiam poscentibus  
Rectam aberis unquam recti & æqui regula.  
Tu mitis animi amplecteris modestiam,  
Docesq; recti & improbi discrimina.  
Tu dux comesque tuta per compendia  
Ducis carentem fraude mansuetudinem:  
Peccata bonus & facilis obliuisceris:  
Promissa soluis liberali dextera:  
Minuistq; pœnas mitis indulgentia:  
Fidesq; dictis stabilis erga omnes adest  
Qui pacta sacri foederis non negligunt.  
Hanc ut nepotum sœcla mansuetudinem  
Noscant, tuiq; nominis se gloria  
Latè per omnes fundat orbis angulos,  
Ignoscere nostris mitis erratis parens,  
Quæ multa inuslit ægritudo, & impotens  
Amor, regiç; contumax ira & dolor,  
Errorq; ucri non acutus arbiter.  
O ter beatum, mente qui pura Deum  
Venera-

Veneratur: illi, qualemq; amplectitur  
Vitæ institutum, dux adest semper Deus,  
Rectorq; & omnes actiones prosperat.  
Securus animus anxio procul metu  
Cunctis fructur affluenter copijs:  
Stirpisq; series longa firmabit domum,  
Genusq; multa floridum propagine  
Opes paternas ad nepotes transferet.  
Quin & piorum mentibus mysteria,  
Contempta prauis, impie sapientibus  
Occulta, Dominus luce proferet sua,  
Et sacrosanti fœderis scientiam  
(Quæ sola uitæ dux beatæ & regula est)  
Docebit. Ergo rex beate cælitum  
Te mente solum quæro, nusquam lumina  
Abs te reflecto. tu pedes solus meos  
Hostis dolosis erues è retibus.  
O sancte custos hominum, amico lumine  
In me intuere, & destitutum ab omnibus  
Inopemq; sancta me tuere dextera.  
Curisq; mentem quæ perurunt plurimæ,  
Nouisq; semper differunt doloribus,  
Exolute. pœnis usq; & usq; immanibus  
Exercitato, & obruto laboribus  
Ignosce: culpas mitis obliuiscere.  
Heu quanta uis me factionis impia  
Persequitur armis. quanta me crudelitas  
Inexpiato querit odio perdere!  
Tu me periclis libera: tu protege  
Eius salutem ab hostium ludibrio,  
Omnem salutis qui locauit spem suæ

In

In te, nec alijs fudit opibus quam suæ  
Integritatiqz, & tuæ clementiæ.  
Gens quæ tuarum iussa legum amplectitur,  
Fac undequaqz tuta sit te vindice.

## PSAL. XXVI. Iudica me Domine, &amp;c.

Carm. gen. 15.

**M**e ui tyrannus persequitur palam,  
Me clam maligna fraude calumnia.  
Te, qui latebras pectoris inspicis,  
Appello, rerum conditor optime.

Mens fraudis expers, & manus innocens,  
A uiqz pura & flagitio: in Deo  
Spes fixa, fortis qui uiolentia  
Me saeuentis non sinet opprimi.

Renesqz flammis & penetralia  
Scrutare cordis, cæcāqz sensuum  
Arcana, fusum ceu calidis focis  
Explorat aurum callidus artifex:

Mentem uidebis munificentia  
Quæ dona nunquam non meminit tuæ:  
Actæqz leges puriter ad tuas  
Vitæ carentem flexibus orbitasi.

Procul facessat, nec socium sibi  
Me uana speret lingua: procul domo  
Nostra recedat qui didicit suos  
Fucare sensus pectore subdolo.

Odi scelestum consilia, impios  
Cœtus ueneno peius abominor:  
Quorum resultant pectora gaudio  
Quum perpetrarunt facta nefaria.

Sed